

# 'Estroniaid Gelyniaethus' a Gwersylloedd Caethiwo

## CANLLAWIAU I ATHRAWON

Mae hwn yn un o ddau adnodd ar bwnc caethiwo 'estroniaid gelyniaethus', ac yn un o 20 adnodd am yr Holocaust a Chymru.

Mae'n archwilio pa effaith a gafodd y caethiwo ar ffoaduriaid Iddewig a'u bywydau.

**Oedran:** 9-14.

### 1. DIBEN YR ADNODD

Mae dysgu am yr Holocaust trwy enghreifftiau lleol yn galluogi'r dysgwyr i **ddarganfod eu treftadaeth a datblygu ymdeimlad o le a chynefin**. Mae hefyd yn cael gwared ar y syniad o 'aralledd' (*otherness*) – sef bod hyn wedi digwydd i bobl eraill mewn man arall ac ar adeg arall – ac, yn lle hynny, **mae'n creu teimladau o gysylltiad ac empathi**.

### 2. NODAU DYSGU

Nod yr adnodd yw galluogi'r dysgwyr i:

1. Archwilio materion moesegol a moesol yn y gorffennol ac yn y byd cyfoes, ac ymgysylltu â chysyniadau o ragfarn, gwahaniaethu, gwrthsemitiaeth, eithafiaeth, cydraddoldeb, goddefgarwch, dynoliaeth, cyfrifoldeb, da a drwg, gwneud cysylltiad rhwng problemau'r gorffennol a'r presennol, ac ystyried beth sy'n digwydd yn lleol ac yn fyd-eang heddiw.
2. Datblygu meddwl beirniadol a myfyriol.
3. Magu hyder a chadernid a meithrin empathi: dod yn fwy ymwybodol o'u profiadau a'u teimladau eu hunain wrth iddynt gyfranogi mewn gweithgareddau gydag eraill, a chydabod bod gan bobl eraill brofiadau a theimladau.
4. Dod yn ddinasyddion cyfrifol yng Nghymru a'r byd ehangach.

### 3. FFOCWS YR ADNODD

1. Mynd ati mewn modd beirniadol i adolygu'r modd y mae digwyddiadau'r gorffennol a digwyddiadau cyfoes yn cael eu canfod, eu dehongli a'u cynrychioli; ffurfio eu barn eu hunain a meithrin hunanymwybyddiaeth.
2. Dadansoddi a gwerthuso tystiolaeth yn feirniadol; dehongli a syntheseiddio gwybodaeth; dod i gasgliadau gwybodus am y byd, a'i orffennol, ei bresennol a'i ddyfodol.
3. Dysgu am gymhlethdod cymdeithasau dynol a'r amrywiaeth ynddynt (e.e., gwerthoedd, normau cymdeithasol, defodau, a ffyddiau) ac effaith gweithredoedd a chredoau.

4. Datblygu dealltwriaeth o'r heriau a'r cyfleoedd yn eu bywydau personol ac yn y gymdeithas yn ehangach, ac ystyried sut i ymateb yn foesebol.

#### 4. PA SGILIAU, GWYBODAETH A PHROFIAD Y MAE'R ADNODD YN HELPUS I'W DATBLYGU?

Dangosyddion dysgu:

1. Gwybodaeth am Lywodraeth Prydain yn caethiwo ffoaduriaid Iddewig a'r cysylltiad â Chymru, a dealltwriaeth yn hynny o beth.
2. Y gallu i werthuso'n feirniadol a defnyddio ffynonellau gwahanol (e.e., adroddiad ysgrifenedig a thystiolaeth hanes llafar) i ffurfio a mynegi eu barn, eu safbwyntiau, eu gwybodaeth a'u dealltwriaeth eu hunain.
3. Dealltwriaeth o gysyniadau moesebol a moesol, e.e., gwahaniaethu, hiliaeth, gwrthsemitiaeth, a phwysigrwydd gwerthoedd democrataidd a hawliau dynol.
4. Y gallu i wneud cysylltiad rhwng gwahaniaethu ar sail hil, ethnigrwydd a chrefydd yn y gorffennol ac yn y byd cyfoes, ac ystyried yr hyn sy'n digwydd heddiw yng Nghymru, y DU, a'r byd, e.e., ffoaduriaid sy'n dod i'r DU/i Gymru.
5. Deall bod gan bobl greddoau, gwerthoedd, a phrofiadau gwahanol, a pharchu anghenion a hawliau pobl eraill.
6. Y gallu i weithio'n rhan o dîm.
7. Profiad o gymryd rhan mewn trafodaethau a thasgau grŵp.
8. Dod yn fwy ymwybodol o'u profiadau a'u teimladau, eu gwerthoedd a'u credoau eu hunain a gallu eu cyfathrebu.
9. Datblygu empathi at bobl eraill a'u hamgylchiadau/heriau y maent yn eu hwynebu(ch), e.e., Ffoaduriaid Iddewig yn dianc rhag erledigaeth Natsiaidd neu ffoaduriaid modern.

#### 5. Y MODD Y MAE'R ADNODD YN CEFNOGI DYSGU MEWN CYD-DESTUNAU LLEOL (CYNEFIN), CENEDLAETHOL A RHANBARTHOL

Mae'r adnodd hwn yn galluogi'r dysgwyr i glywed straeon pobl yr effeithiwyd arnynt yn uniongyrchol gan yr Holocaust ac a oedd yn byw yng Nghymru. Dyma hanesion pobl a oedd yn rhan o'u cymunedau Cymraeg lleol ac a gyfrannodd atynt. Ymgartrefodd y bobl hyn a chael teuluoedd yma, ac mae eu hanes yn rhan o stori Cymru.

Gall yr enghreifftiau lleol hyn helpu'r dysgwyr i ddeall y cysylltiad rhwng hanes Cymru a digwyddiadau byd-eang megis yr Ail Ryfel Byd a'r Holocaust.

#### 6. GWYBODAETH GEFNDIR

Ar ôl i'r rhyfel ddechrau ym mis Medi 1939, ystyriai Llywodraeth Prydain bob Almaenwr ac Awstriad ym Mhrydain yn fygythiad i ddiogelwch gwladol; daethant i gael eu hystyried yn 'estroniaid gelyniaethus' a bu'n rhaid iddynt gofrestru gyda'r heddlu. Er bod y mwyafrif yn parhau i fod yn rhydd,

yn ystod haf 1940 tynhawyd y cyfyngiadau a chafodd degau o filoedd eu caethiwo mewn gwersylloedd. Y gwersyll mwyaf o'r gwersylloedd hyn oedd Gwersyll Caethiwo Hutchinson ar Ynys Manaw. Ffoaduriaid Iddewig oedd mwyafrif y rhai a garcharwyd, ffoaduriaid a oedd wedi dianc rhag erledigaeth y Natsiaid a dod o hyd i noddfa ym Mhrydain. Roedd amodau byw llawer o'r gwersylloedd yn annigonol. Roedd yna brinder cyflenwadau meddygol, a diffyg dŵr glân a dulliau gwaredu carthion priodol.

## 7. SYNIADAU a CHWESTIYNAU

1. Gellir defnyddio'r adnodd hwn i hybu ffordd o feddwl feirniadol a myfyriol.

Cwestiynau:

- Beth yw ystyr y term 'caethiwo'?
- Pwy oedd yr 'estroniaid gelyniaethus'?
- Pam y bu i Lywodraeth Prydain gaethiwo ffoaduriaid Iddewig?
- A yw pryderon ynghylch diogelwch gwladol yn cyfiawnhau caethiwo heb gyhuddiadau neu heb fwriad i ffeilio cyhuddiadau?

2. Gellir defnyddio'r adnodd i wneud y canlynol:

- Archwilio a chydnabod profiadau a theimladau ffoaduriaid Iddewig a gafodd eu herlid gyntaf gan y Natsiaid ac yna eu caethiwo gan Lywodraeth Prydain fel 'estroniaid gelyniaethus'.
- Galluogi'r dysgwyr i ddod yn fwy ymwybodol o'u profiadau a'u teimladau eu hunain ac i fagu hyder a chadernid, a meithrin empathi.

Cwestiynau:

- Beth oedd profiad ffoaduriaid Iddewig a gafodd eu caethiwo gan Lywodraeth Prydain?
- Sut yr oedd y ffoaduriaid Iddewig a gafodd eu caethiwo yn teimlo?
- Sut yr effeithiodd caethiwed ar fywydau pobl?
- Sut y mae'r dysgwyr yn teimlo ynghylch yr arfer o gaethiwo ac yn ymateb iddo?

## 8. YMCHWIL A RHAGOR O WYBODAETH

**1. Cyflwyniad i addysgu a dysgu am yr Holocost:**

Mae'r [Argymhellion ar gyfer Addysgu a Dysgu am yr Holocost](#) o eiddo'r Gynghrair Ryngwladol Cofio'r Holocost (IHRA) yn darparu gwybodaeth am pam, beth a sut o ran addysgu am yr Holocost.

Gall taflen waith Ymddiriedolaeth Addysgol yr Holocost (Holocaust Educational Trust), sef '[Defining the Holocaust](#)', gael ei defnyddio i gyflwyno pwnc yr Holocost i'r dysgwyr; mae'n eu helpu i feddwl am y modd y mae'r Holocost yn cael ei ddiffinio a pham y mae'r mater o ddiffiniad yn bwysig.

**2. Deunydd darllen pellach:**

Yr *Anschluss*:

- Holocaust Encyclopaedia: [Nazi Territorial Aggression: The Anschluss](#).

'Estroniaid Gelyniaethus' a chaethiwo:

- Ffoaduriaid Sosialaeth Genedlaethol yng Nghymru: [Caethiwo 01](#).

- Yr Archifau Gwladol: [Collar the lot! Britain's policy of internment during the Second World War.](#)
- Casgliadau'r Vancouver Holocaust Education Centre: ["Enemy Aliens" Research Guide.](#)

#### X Troop:

- Leah Garrett, *X Troop: the Secret Jewish Commandos Who Helped Defeat the Nazis* (Llundain: Vintage, 2022).
- Ffoduriaid Sosialaeth Genedlaethol yng Nghymru: [X Troop.](#)

### 3. Rhestr o 20 adnodd am [yr Holocost a Chymru](#):

- [Kindertransport 1: Bywyd Iddewig yng Nghanolbarth Ewrop cyn yr Ail Ryfel Byd.](#)
- [Kindertransport 2: Y Daith i Brydain.](#)
- [Kindertransport 3: Cyrraedd Cymru.](#)
- [Kindertransport 4: Bywyd yng Nghymru.](#)
- [Atgofion o Kristallnacht: Dinistr a Dianc](#)
- [Atgofion o Kristallnacht: Y Bar Mitzvah olaf.](#)
- [Arlunwyr Iddewig yng Nghymru: Josef Herman.](#)
- [Arlunwyr Iddewig yng Nghymru: Heinz Koppel.](#)
- [Aero Zipp Fasteners yn Ystad Fasnachu Trefforest.](#)
- [General Paper & Box Manufacturing Company yn Ystad Fasnachu Trefforest.](#)
- ['Estroniaid Gelyniaethus' a Gwersylloedd Caethiwo.](#)
- ['Estroniaid Gelyniaethus' a Hawliau Dynol.](#)
- [Ffoduriaid Iddewig a oedd yn Weision Domestig.](#)
- [Ffoduriaid Iddewig yng Nghymru a oedd yn Feddygon, Deintyddion a Nyrsys.](#)
- [Ffoduriaid Iddewig yn y Fyddin Brydeinig yn ystod yr Ail Ryfel Byd.](#)
- [Bywyd Crefyddol Ffoduriaid Iddewig yng Nghymru.](#)
- [Y Gymraeg.](#)
- [Rhyddhad.](#)
- [Hunaniaeth.](#)
- [Cofio'r Holocost.](#)